



Kakanj, 27. 08. 2025. godine
Broj: 01/D-01-43- 9402 /25

Na osnovu člana 48. Statuta Rudnika mrkog uglja "Kakanj" d.o.o. -Kakanj i Preporuke Komisije za javnu nabavku, broj: 886-08/25 od 20.08.2025. godine, po Javnom pozivu za nabavku usluga iz Aneksa II (AN: 01/25 – Nabavka usluga banjsko-rehabilitacionog liječenja radnika, a u skladu sa članom 70. i 71. Zakona o javnim nabavkama ("Sl. glasnik BiH", broj 39/14, 47/14, 59/22, 50/24), direktor Iso Delibašić, dipl.ekonomista i prokurist Adi Hamidović, dipl.inž.maš. donijeli su

O D L U K U

o izboru najpovoljnijeg ponuđača

Član 1.

Za najpovoljnijeg ponuđača za nabavku usluga – Nabavka usluga banjsko-rehabilitacionog liječenja radnika, po provedenom Javnom pozivu za nabavku usluga iz Aneksa II, AN: 01/25, izabran je sljedeći ponuđač:

Naziv / ime ponuđača		Ukupno ponuđena cijena bez PDV-a
1.	ZU Lječilište "Banja terme Ilidža" Ilidža-Sarajevo	14.400,00 KM

Član 2.

Prijedlog ugovora o nabavci dostavit će se na potpis izabranom ponuđaču ZU Lječilište "Banja terme Ilidža" Ilidža-Sarajevo po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Odbija se ponuda ponuđača Lječilište "Reumal" Fojnica kao neprihvatljiva i nepravilna.
Odbija se ponuda ponuđača PZU Lječilište "Aqua Bristol" Tuzla kao nepravilna.

Član 4.

Za izvršenje ove odluke zadužuje se i ovlašćuje Služba za javne nabavke Rudnika mrkog uglja "Kakanj" d.o.o. -Kakanj.

Član 5.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 6.

Ova odluka dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem Javnog poziva za nabavku usluga iz Aneksa II, a pokrenut je na osnovu Odluke o pokretanju postupka javne nabavke, broj: 01/D-01-43-8119/25 od 22.07.2025. godine.

Procijenjena vrijednost javne nabavke bez PDV-a je 20.000,00 KM.

Obavijest o nabavci, broj: 967-9-2-1-22-211/25 od 30.07.2025. godine, objavljena je na Portalu javnih nabavki dana 30.07.2025. godine.

Javno otvaranje pristiglih ponuda po upućenom Javnom pozivu za nabavku usluga iz Aneksa II za izbor najpovoljnijeg ponuđača i objavljenom Obavještenju o javnoj nabavci usluga iz Aneksa II na Portalu javnih nabavki BiH, obavljeno je u Službi za javne nabavke Rudnika mrkog uglja "Kakanj" d.o.o. - Kakanj dana 13.08.2025. godine u 11,00 sati.

Komisija je prije otvaranja ponuda konstatovala da su pristigle 4 (četiri) ponude, te se nakon toga pristupilo otvaranju ponuda prema hronološkom prispjehu na protokol Rudnika kako slijedi:

- Nabavka usluga banjsko-rehabilitacionog liječenja radnika
- 1. JZU Centar za fizikalnu medicinu, rehabilitaciju i banjsko liječenje "Ilidža" Gradačac
- 2. Lječilište "Reumal" Fojnica
- 3. PZU Lječilište "Aqua Bristol" Tuzla
- 4. ZU Lječilište "Banja terme Ilidža" Ilidža-Sarajevo

Komisija za javnu nabavku je sačinila Zapisnik o ocjeni ponuda, broj: 884-08/25 od 20.08.2025. godine i Preporuku o izboru najpovoljnijeg ponuđača, broj: 886-08/25 od 20.08.2025. godine u postupku javne nabavke usluga – Nabavka usluga banjsko-rehabilitacionog liječenja radnika.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda četiri (4)
- da su blagovremeno zaprimljene četiri (4) ponude
- da nije bilo neblagovremeno zaprimljenih ponuda
- da je ponuda ponuđača Lječilište "Reumal" Fojnica neprihvatljiva i nepravilna
- da je ponuda ponuđača PZU Lječilište "Aqua Bristol" Tuzla nepravilna
- da su ponuda ponuđača JZU Centar za fizikalnu medicinu, rehabilitaciju i banjsko liječenje "Ilidža" Gradačac i ZU Lječilište "Banja terme Ilidža" Ilidža-Sarajevo prihvatljive.

Ponuda ponuđača Lječilište "Reumal" Fojnica je neprihvatljiva i nepravilna iz razloga:

U tački 4.1. Sadržaj ponude Tenderske dokumentacije navedeno je: Ispravke u ponudi moraju biti izrađene na način da su vidljive i potvrđene potpisom i pečatom ponuđača, uz navođenje datuma ispravke, odnosno ispravke moraju biti vidljive, ne smiju se raditi korektorom, korekturnom trakom i drugim korektivnim priborom. Ispravke vršiti na sljedeći način: neizbrisivom tintom, jednom linijom precrtati broj ili tekst koji se ispravlja, pored koga izvršiti novi upis, potpis ponuđača, pečat i datum ispravke (npr. ~~29,84~~ novi upis 29,18; potpis ponuđača, pečat i datum ispravke), u suprotnom ponuda će biti odbijena.

Uvidom u ponudu ponuđača Lječilište "Reumal" Fojnica utvrđeno je da je isti vršio ispravke na brojevima stranica kako slijedi: 12, 13, 15.-34. i 36.-40. pri tome ne poštujući način koji je propisan Tenderskom dokumentacijom.

U svrhu dokazivanja tehničke i profesionalne sposobnosti ponuđača koja treba garantirati ispravno izvršenje ugovora, ponuđači su u ponudi bili obavezni doataviti Spisak izvršenih ugovora u prethodne 3 godine počev od 30.07.2022. godine uključujući i tekuću 2025. godinu, sa ukupnim vrijednosnim iznosima, datumima i primaocima, uz osiguranje dokumenata u formi potvrda o izvršenim uslugama, koje su izdali korisnici usluga – Obrazac "Spisak izvršenih ugovora-lista referenci" u Aneksu 5, tenderske dokumentacije ili od datuma registracije, ukoliko je ponuđač počeo sa radom prije manje od tri godine, dostavit će dokaz za taj period), čiji je karakter i kompleksnost isti onima koji se odnosi na predloženi ugovor (Pružanje usluga banjsko-rehabilitacionog liječenja), a čiji zbir vrijednosti jednog ili više ugovora ne može biti manji od 5.000,00 KM bez PDV-a (tačka 3.4 Tenderske dokumentacije).

Uvidom u ponudu ponuđača Lječilište "Reumal" Fojnica utvrđeno je da je isti dostavio popunjen Spisak izvršenih ugovora-lista referenci u kojem nije naveo ukupnu vrijednost svih ugovora koje je naveo, a u dostavljenoj potvrdi koja obuhvata sve ugovore navedene u Aneksu 5 nije navedeno mjesto izvršenja ugovora, a što je propisano Tenderskom dokumentacijom i članom 48. stav (3) Zakona o javnim nabavkama.

Uz Ponudu su dostavljene još tri potvrde o uspješnoj realizaciji ugovora, ali iste nisu navedene u Spisku izvršenih ugovora-lista referenci – Aneks 5.

Dalje, u dostavljenoj Izjavi koja se odnosi na smještajne kapacitete nije navedeno da sobe raspolažu sa WC-om i internetom, kao ni mogućnost izbora jela sa tri ponuđena menija, a kako je traženo u tački 3.4 Njihova tehnička i profesionalna sposobnost treba garantirati ispravno izvršenje ugovora, Član 50. tačka c) Zakona o javnim nabavkama.

Na osnovu naprijed iznesenog utvrđeno je da je ponuda ponuđača Lječilište "Reumal" Fojnica neprihvatljiva i nepravilna.

Ponuda ponuđača PZU Lječilište "Aqua Bristol" Tuzla je nepravilna iz razloga:

Tačkom 4.1. Tenderske dokumentacije definisan je sadržaj ponude, gdje je navedeno da ponuda mora sadržavati, između ostalog, Aneks 2 – Obrazac za cijenu ponude.

Uvidom u ponudu ponuđača PZU Lječilište "Aqua Bristol" Tuzla utvrđeno je da je isti dostavio Aneks 2 – Obrazac za cijenu ponude, ali isti nije potpisan od strane ovlaštene osobe.

Na osnovu naprijed navedenog utvrđeno je da je ponuda ponuđača PZU Lječilište "Aqua Bristol" Tuzla nepravilna.

U postupku donošenja ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka direktor nije našao razloge, nepravilnosti niti propuste u radu koji bi eventualno bili osnov za neprihvatanje Preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Naziv / ime ponuđača		Ponuđena cijena (bez PDV)
1.	ZU Lječilište "Banja terme Ilidža" Ilidža-Sarajevo	14.400,00 KM

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove Odluke žalba nije dozvoljena. Žalba se izjavljuje protiv ex ante obavještenja o transparentnosti Uredu za razmatranje žalbi, putem Rudnika mrkog uglja "Kakanj" d.o.o. -Kakanj, u roku od 10 dana od dana objave dobrovoljnog ex ante obavještenja o transparentnosti.

Prokurist

Adi Hamidović, dipl.inž. mašinstva



Direktor

Iso Delibašić, dipl. ekonomista

Dostavljeno:

1x Direktor

1x Učesnici u postupku javne nabavke

1x a/a